

Kontuola

ANTZUOLA / Egubakoitza / 2002ko urtarrilaren 11 / 96. zenbakia

KOORDINATZAILEA: Aintzane Irizar • Barrenkalea, 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Antzuolaren independentziaren 332. urteurrena ospatuko dugu bihar, zapatua

AINTZANE IRIZAR

Ezinbesteko hitzordua bihurtu da antzuolarrondako independentzia eguna. Bihar, zapatua, izango da hori. Urtero bezala, egitarau zabala antolatu dute, denetik egongo da: musika, bazkaria, poteoa, hainbat ikuskizun... Aurten, 332. urteurrena ospatuko dugu.

1629. urtean lortu zuen Antzuolak independentzia. Hori ospatzeko, duela bost urtetik, independentzia eguna egiten da Antzuolan. Goizeko 10:00etan hasiko dituzte independentzia eguneko ospakizunak, herriko txistularien kalejirarekin. Ohiko bazkaria baino lehen, giroan sartzeko, herri poteoa egingo da; 12:30ean hasiko da poteo hori, eta trikitilariak lagunduta egingo da.

14:00etan jarri dute bazkaritarako ordua, eta herriko pilotalekuan izango da, beti bezala. Menua, berriz, denen gustukoa, edo hori izan da, behintzat, antolatzaileen asmoa: lehenengo, paella; ondoren, solomoa; postreerako, berriz, tarta, eta noski, ez dira faltako kafea, kopa eta bestelakoak ere. Hori guztia 12 euroren truke.



Bazkaria bera eta bazkalosterako antolatu dituzten ekitaldiak izango dira independentzia eguneko ospakizun nagusiak.

Aipatu behar da, bide batez, Larrea, Surpe eta Mox tabernetan daukazuela txartelak salgai, dagoeneko ez badira, behintzat, denak agortu.

Urtero moduan, bazkaritara joaten direnak eurak arituko dira zerbitzari lanetan. Antolatzaileek esan digutenez, jende asko ibiltzen da antolatzaileei

laguntzen, bai bazkaria zerbitzatzen eta baita bazkalostean, dena jasotzen ere, pilotalekua txukun-txukun lagatzeko ahalginean.

Era guztietako ekitaldiak egongo dira egun osoan zehar, goizean goiz hasi eta gauera arte

BAZKALOSTEA ALAITZEN

Bazkalostean ere ez da aspertzeko aukerarik izango. Hainbat ekitaldi antolatu dituzte. Batetik, herriko dantzariak arituko dira, baita trikitilariak eta bertsolariak ere. Bestalde, herriko koadrila bat baino gehiago ari da egun horretarako hainbat ikuskizun antolatzen.

Baina ez da horrekin amaituko independentziaren urteurrenoko jaieguna. Gauean, 23:30ean hasita, dantzarako aukera izango dugu, Legazpiko DJ baten eskutik, Bigirarekin, hain zuzen ere. Kalebarrengo jaietan, domeka arratsaldea alaitzen izango genuen DJ berarekin.

Azkenik, esan behar dugu, egun horretan baserritar jantziak kaleratzeko eskatu dutela antolatzaileek.

HERRITARREN HITZA / Alaitz Jauregi • Gizarte laguntzailea

Herri bat ala hiri bat?

Danok dakigu, herri baten eta hiri baten artian ezberdintasun gehixago darelako berdintasunak baino, hori ukatuko dabenik ez dago. Hirittan bizi dan jendia ixra beti argumentu berdina erabiltzen dau: "danetik egitteko aukeria topatu zeinke, edozer tontokerixa egindda be iñork ez zaittu ezagutzen...". Hori horrela ez danik ezin geinke esan, baiña, eta herri baten dagon askatasuna? Girua? Laguntasuna? Naturaltasuna? ez noia esatera hiri bateko bizitza interesantia ez danik, guztiz kontrakua, oso aberatsa dalā argi dago. Hala

be, nik neuk, horrela ohitu naizelako eta gustoko dotelako, herri baten bizitza bezalakorik ez dagola baieztatzen dot. Danok ezagutzen dogu alkar, eta horrek eragozpenak baiño abantailla gehixago dauzka, erreztasunak sortzen dittualako aspektu askotan.

Nere kasuan, adibidez, zentsoko lana dala-ta, datuak batzera-ko orduan, asko lagundu dost biztanliak ezagutziak. Herri-



"Herri baten bizitza bezalakorik ez dago"

ttik.

Beste bentaja bat? Daukun askatasuna. Zertan? Aparkalekuen gaixan, esaterako. Zeiñek

xak, orokorrian, oso ondo tratatu nau (kasu espezialak egon diren arren, normala dan bezela). Momentu guztittan egon da jendia lagun egitteko gertu, eta hori ez dago diruakin ordaintzerik. Bide batez, eskerrak emotia nahi dotsuet danoi zuek eskeiñittako laguntziagai-

ez dau laga kotxia bihar ez dan tokixan, behin besterik ez bada be? Trankil juten gara gaiñera etxera, errekauek egittera..., badakigulako gruak ez doskula eruango, edota bueltan ez dogula multarik topatuko. Hori alguazillari kritikau biharrian eskertu egin biharko gontzake; ez deixela aldatu gaiñera, edozein lekutan ez dauke horrelako suerterik-eta.

Nik segi eta segi egingo neuke, bentajak kontaktu eta kontaktu segiko neuke, baiña astekari osua neuk bakarrik beteko neukela-ta, hurrengo baterako lagatzia izango dogu onena.

LABUR

Gizarte laguntzaile bat kontratatuko dute, aldi baterako

Gizarte laguntzaile bat kontratatu nahi du Antzuolako Udalak, oraingo langilearen amatasun baja betetzeko. Lau hilabeterako hartuko dute, printzipioz, langile berria, baina epe hori luzatu egin daiteke. Bide batez, lan-poltsa osatzeko ere erabiliko dute deialdi hori. Antzuolan eta Elgetan lan egingo du gizarte laguntzaileak, orain arte moduan. Interesatuek Antzuolako udaletxera jo beharko dute eskaerak aurkeztera. urtarrilaren 28a baino lehen.

TELEFONO JAKINGARRIAK

OSASUNA/LARRIALDIAK

DYA 943 78 71 57
 Gurutze Gorria 943 76 55 76
 Medikua 943 76 62 23
 Praktikantea 943 76 63 80
 Udaltzaingoa 943 76 62 46
 Ertzaintza 943 76 53 40

UDALA

Udaletxea 943 76 62 46
 Liburutegia 943 76 60 65

BESTELAKOAK

Idolaz 943 78 60 12
 Herri ikastetxea 943 76 62 68
 Jubilatuen elkarte 943 76 62 71
 Abadetxea 943 76 64 16
 Anelkar (Kontxi) 943 78 70 65
 Taxiak:
 Antonio Fernández 669 15 65 40
 Jesus M. Fernández 607 31 85 60

MEZAK

ANTZUOLAKO PARROKIA

Lanegun eta zapatuetan: 19:30
 Domeka eta jaiegunetan: 09:00, 11:30

UZARRAGAKO PARROKIA

Domeka eta jaiegunetan: 10:00

OHARRAK

INAUTERIETARAKO ENTSEGUAK

Gero eta gutxiago falta da inauterietarako, eta Oinarin dantza taldea laster hasiko da karnabaletarako dantza saioetarako entseguenkin. Mutilek, ohi bezala, sorgin dantza egingo dute. Norbait interesatuta balego, Andres Arbuluri esatea besterik ez dauka. Ohiko sorgin dantzaz gain, Lantzeko inauterietako dantzak ere egingo dituzte. Parte hartu nahi dutenek, martitzenetan, 20:30ean joan beharko dute Eguzki auzoko lokalean egingo dituzten entseguetara.

BANATZAILEA BEHAR DUGU

Antzuolan Goienkaria eta Bergarako edizioa banatzeko, banatzailea behar du Goienak. Antzuolako banaketaren ardura izango du, eta egubakoitzero banatu beharko ditu aldizkariak. Interesatuak Goienako honako telefono zenbakira deitu dezakete: 943 79 21 00.

BASERRIZBASERRI/ Zumaeta baserriak



LIZARRAGAKO BI BASERRI Dokumentuen arabera, 1391n Martin Sanches Çumeheta bizi zen han. Gaur egun, bi Zumaeta daude: Zumaetaazpikoa eta Zumaetagañekoa. Lehenengoa egoera kaxkarrean dago gaur egun. Etxaurrean dagoen oroigarriaren arabera, 1817an berreraiki zuten. Zumaetagañekoak jaitzitako arku bikaina du sarreran; baita upaitegira sartzeko paregabeko ate-egiturak ere. Antzina Zumaeta bakarra ei zegoen, orain Zumaetagañekoa dena. Baina trenbideko tunela baserri azpitik egin zutela eta, baserriari zati bat jausi eta bi egin zituzten. Zumaetaazpikoa ez da inor bizi; Zumaetagañekoan, berriz, Candido Aranguren. /AINTZANE IRIZAR /ITURRIA: IÑIGO RAMIREZ DE OKARIZEN 'ANTZUOLAKO BASERRIAK ETA ERROTAK'

BOTEPRONTOAN/ Jose Luis Lezeta · Erretiratu

“Udaletxeko obra zuzendari lanian, danetik egin bihar izan dot: iturgin lanak, arotz lanak...”

Abenduan erretiratu zen Jose Luis, urtetan udaletxeko obra zuzendari izan eta gero. Orain, erretiratu bizimoduari neurria hartzen ari da.

Zenbat urte egin dituzu udaletxean lanean?
Hamahiru urte egin dittut; igeltserua naiz, eta aurretik, 28 urtian, kontratista batekin lanian ibilli nitzan, baiña enpresia pikera jun zanian, paruan geratu nitzan. Antzuolako udaletxian hasteko aukeria euki, eta hantxe ibilli naiz hamahiru urtian.
Herrian obra mordoa dagoen momentuan erretiratu zara.
Bai, baina 60 urte egin dittut eta ailegau jat ja jubilatze

ordua. Herriko obrak, gaiñera, ez dira nere arduria.
Zein lan egiten zenituen?
Danetik, tokatzen zana: iturgin lanak, arotz lanak be bai... danetik.
Manitas samarra izango zara, orduan.
Bueno, aurretik be konstrukzian ibilita nenguan, eta han be danetik egittia tokatzen da.
Zer moduz erretiratu bizimodua?
Oraindik goitzo da horri erantzuteko. Pentsaizu, 44 urte lanian ibilli eta gero, hillabedian ezin horri erantzun. Dana dala, nik uste dot oso ondo moldatuko naizela.
Antzuolan zer falta da?
Ez dot uste gauza asko falta duenik. Martxan daren obra



guztiak bukatutakuan, oso ondo egongo da.
Eta soberan?
Etxeren batzuk igual egongo dira sobran, baiña hobe sobran egotia faltan baiña, ezta?
Baserrian bizi zara orain. Zer dauka baserriak kaleak ez duenik?
Kalian be urte askuan bizi izandakua naiz. Baserrikua naizenez, beti gustatu izan jat baserrixa. Hemengo lasaittasuna asko gustatzen jat; kalia baiña nahixago dot.
Gabonetan zer moduz?
Ondo, nahikua turroi janda; Gabonak ondo pasatzen dira.
Urte berrixari zer eskatu jatzu?
Osasuna; premiñarik gehixen egitten dabena horixe da.

ANTZUOLAKO HIZKERAN

ESAMOLDEA

• HARTZEKUEKIN GERATU

1. Arrazoirik ez izan arren, garaile atera delakoan geratu. *Orduerdixan jardunian ibilli, ta azkenian bera geratu da hartzekuekin.*

2. Egindako dena gutxitzat jotzea. *Danak eurei laguntzen, eta artian eurak hartzekuekin. / Sekula baiña erregalo gehixago egin jatelakuan, eta artian hartzekuekin geratu da.*

ATSOTITZA

• **Urte berri, soruak igarri.** Atsotitz hori esaten zuenari hauxe esaten zitzaion, *soro/zoro* hitzen arteko hitz jokoak eginez: *ezta sanuak be.*

HITZAK

• TXOTXOTU

Gustura dagoenean, tontotuta egon. *Amaia txotxotuta dago bere mutiltxuakin. / Jendia txotxotuta dago txakurrekin.*

• MIXKIN

Jaten txarra eta berezia dena. *A zelakotxe mixkina dan Aitor.*

Jone Larrañagaren

'Antzuolako hizkera' liburutik

LARREA
TABERNA
Kalebarren 17
ANTZUOLA

Igor eta Txomin

Margoak orokorrean
ANTZUOLA 609 157 131
BERGARA 609 150 164

Tomas Gezalaza
Apainketarako eta industriarako pinturak
• Paper margotuak
• Moketak eta tapizatuak
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

GAILUR
taberna eta gozotegia

Buztinzuri 13 ANTZUOLA
Tf. 943 78 70 32

Tomas Gezalaza
Zoruen kutxilatua eta barnizaketa
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA